

**BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO ENERGIJE, RUDARSTVA I INDUSTRIJE**

EI

NACRT

**ZAKON O IZMJENAMA I DOPUNAMA ZAKONA
O NAFTNIM DERIVATIMA U FEDERACIJI BOSNE I HERCEGOVINE ***

Januar 2025. godine

ZAKON O IZMJENAMA I DOPUNAMA ZAKONA O NAFTNIM DERIVATIMA U FEDERACIJI BOSNE I HERCEGOVINE

Član 1.

U Zakonu o naftnim derivatima u Federaciji Bosne i Hercegovine ("Službene novine Federacije BiH", broj: 52/14), u članu 2. tačka d) iza riječi "Službeni glasnik BiH" tekst: "br. 27/02, 28/04, 16/05, 14/06, 22/07, 101/08, 71/09, 58/10 i 73/10" mijenja se i glasi: "broj: 10/24".

Član 2.

U članu 13. tačka b) iza riječi "Službene novine Federacije BiH", tekst: "broj: 40/10", mijenja se i glasi: "broj: 87/24".

Član 3.

U članu 14. stav (1) iza riječi "Službene novine Federacije BiH, br. 2/06, 72/07, 32/08, 4/10, 13/10 i 45/10", dodaju se riječi: "85/21, 92/21 i 72/24".

Član 4.

Član 32. mijenja se i glasi:

"Član 32.

- (1) Naftni derivati koji se uvoze i/ili stavljaju u promet na teritoriji Federacije BiH moraju zadovoljavati kvalitet utvrđen standardima:
 - (a) bezolovni motorni benzini - BAS EN 228+A1:2018
 - (b) dizel-goriva - BAS EN 590+A1:2018
 - (c) lož-ulje ekstra lahko "LUEL" - BAS 1002:2014
 - (d) ulja za loženje lahko specijalno "LS", lahko "L", srednje "S" i teško "T" moraju zadovoljavati fizičko-hemijske karakteristike definisane važećim standardima i Odlukom
 - (e) LPG za upotrebu u automobilima BAS EN 589:2020
 - (f) LPG za upotrebu u industriji i domaćinstvima BAS 1056:2023
 - (g) petrolej za loženje i petrolej za rasvjetu moraju zadovoljavati fizičko-hemijske karakteristike definisane Odlukom
- (2) Naftni derivati koji se prodaju na tržištu mogu sadržavati biokomponente u skladu sa propisima o kvalitetu naftnih goriva i drugim propisima koji su na snazi u Federaciji BiH.
- (3) Energetski subjekti koji uvoze i/ili stavljaju u promet naftne derivate iz st. (1), (2) i ovog člana dužni su, uz navedeno gorivo, priložiti dokumente definisane Odlukom.
- (4) Energetskim subjektima koji uvoze i/ili stavljaju u promet naftne derivate iz st. (1) i (2) ovog člana dozvoljeno je korištenje sredstava za poboljšanje parametara goriva (aditiviranje) u skladu sa Odlukom i provedbenim propisima.

- (5) Osim goriva sa graničnim vrijednostima definisanim važećim standardima čija primjena je obavezna, na tržištu se mogu naći i goriva višeg kvalitetnog nivoa u skladu sa Odlukom.
- (6) Bezolovni motorni benzini i dizel-goriva, prilikom stavljanja u promet na tržište Bosne i Hercegovine, bit će markirani jedinstvenim markerom u skladu sa Odlukom".

Član 5.

U članu 35. stav (11) mijenja se i glasi:

"(11) Metodologiju izračuna troškova izvođenja monitoringa donosi Regulatorna komisija:

- a) Na osnovu ove metodologije, najmanje jednom godišnje, Regulatorna komisija utvrđuje opseg cijene, odnosno najnižu i najvišu dozvoljenu cijenu izvođenja monitoringa i vršenja usluga izdavanja uvjerenja o usklađenosti.
- b) Na zahtjev Regulatorne komisije i ministarstva Inspekcijaska tijela su dužna dostaviti sve podatke o svom radu i poslovanju.
- c) Do donošenja cijene iz ovog stava, Ministarstvo će privremeno odrediti cijenu izvođenja monitoringa i vršenja uskuga izdavanja uvjerenja o usklađenosti."

U članu 35. stav (13) mijenja se i glasi:

"(13) Sadržaj potvrde iz stava (12) ovog člana definisan je Prilogom II Odluke".

Član 6.

Član 36. mijenja se i glasi:

"Član 36.

Broj uzoraka za LPG utvrđuje se na osnovu prometovanih količina LPG u protekloj godini u skladu sa Odlukom".

Član 7.

U članu 41. stav (4) iza riječi "Službene novine Federacije BiH", tekst: "br. 23/99, 45/00, 2/02, 6/02, 29/03, 68/05, 91/07, 84/08, 88/08, 7/09, 63/10 i 75/13", mijenja se i glasi: "br. 81/15 i 75/21".

Član 8.

U članu 44. stav (2) iza riječi "Službeni glasnik BiH", tekst: "br. 49/04, 19/05, 52/05, 8/06, 24/06, 70/06, 12/09, 60/10 i 87/13", mijenja se i glasi: "br. 39/14, 59/22 i 50/24".

Član 9.

U članu 47. stav (1) iza riječi "Službene novine Federacije BiH, br. 58/02, 19/03, 38/05, 2/06, 8/06 i 61/06", dodaju se riječi: "80/10 - Odluka US i 48/11".

Stav (2) mijenja se i glasi: "Poslove inspekcijskog nadzora nad primjenom i provođenjem ovog zakona vrše Tehnička i Tržišna inspekcija Federalne uprave za inspekcijske poslove, u skladu sa Zakonom o inspekcijama Federacije Bosne i Hercegovine ("Službene novine FBiH", br. 73/14 i 19/17 - Odluka US) neposrednim uvidom kod energetskog subjekta u pogledu primjene odredbi ovog zakona, kao i poduzimanju upravnih i drugih mjera i radnji u skladu sa Zakonom o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), a po postupku utvrđenom Zakonom o upravnom postupku ("Službene novine Federacije BiH", br. 2/98, 48/99 i 61/22) i Zakonom o prekršajima Federacije Bosne i Hercegovine ("Službene novine Federacije BiH", br. 63/2014 i "Sl. glasnik BiH", br. 41/2022 - Odluka US i 68/2022 - Odluka US) sa ciljem usklađivanja utvrđenih nepravilnosti sa propisima".

Stav (5) mijenja se i glasi: "U slučaju potrebe za vanrednom kontrolom Federalna uprava za inspekcijske poslove će na pisani zahtjev Ministarstva, odnosno Federalnog ministarstva trgovine, a u skladu sa odgovarajućim odredbama Zakona o inspekcijama Federacije Bosne i Hercegovine ("Službene novine Federacije BiH", br. 73/14 i 19/17 Odluka US)".

Član 10.

U članu 49. stav (1) tačka "c)" i "f)" se brišu, a tačke "d),e),g),h)" postaju "c),d),e),f)".

Član 11.

Iza člana 49. dodaje se novi član 49a. koji glasi:

"Član 49a.

- (1) Novčanom kaznom u iznosu od 5.000 do 10.000 KM kaznit će se za prekršaj dobavljač:
 - d) ako uz pošiljku tečnog naftnog goriva ne priloži izjavu o usklađenosti;
 - e) ako uz pošiljku tečnog naftnog goriva ne priloži izvješće o ispitivanju;
 - f) ako uz pošiljku aditiviranog goriva ne priloži izjavu o aditivima;
 - g) ako uz pošiljku tečnog naftnog goriva koje je aditivirano posebnim aditivima ne priloži izjavu o aditivima;
 - h) ako izjavu o usklađenosti izda suprotno odredbama Odluke;
 - i) ako ne posjeduje uvjerenje o usklađenosti;
 - j) za lažno deklariranje tekućeg naftnog goriva više razine kvalitete; i
 - k) za distribuciju ulja za loženje ekstra lakog na pumpnim automatima u maloprodaji.

- (2) Novčanom kaznom u iznosu od 15.000 do 20.000 KM kaznit će se za prekršaj dobavljač:
- (a) ako kvaliteta tečnog naftnog goriva nije u skladu sa Odlukom;
 - (b) ne dozvoli uzimanje uzorka akreditiranom inspekcijском tijelu kako je propisano u član 35. stav (8) ovog zakona.
- (3) Za ponovljeni prekršaj iz stavka (2) ovog člana dobavljač - pravna osoba kaznit će se novčanom kaznom u iznosu od 40.000 KM. Ako se prekršaj ponovi treći put, nadležna institucija izvršit će oduzimanje dozvole za rad".

Član 12.

Ovaj zakon stupa na snagu osmog dana od dana objavljivanja u "Službenim novinama Federacije BiH".